

赞美兰花的诗句和品质

1.
幽兰既丛茂，荆棘仍不除。素心自芳洁，怡然与之俱。——李祁《题兰棘同芳图》
2.
幽兰生前庭，含熏待清风。清风脱然至，见别萧艾中。——陶渊明《饮酒·十七》
3.
谩种秋兰四五茎，疏帘底事太关情。可能不作凉风计，护得幽香到晚清。
。——朱熹《兰涧》
4.
绿衣青葱傍石栽，孤根不与众花开。酒阑展卷山窗下，习习香从纸上来。
。——董其昌《兰》
5.
幽丛不盈尺，空谷为谁芳。一茎寒云色，满林秋露香。——揭傒斯《秋蕙》
6.
一朵俄生几案光，尚如逸士气昂藏。秋风试与平章看，何似当时林下香。
。——陈鉴之《咏兰》
7.
言石曾非石上生，名兰乃是兰之类。疗疴炎帝与书功，纫佩楚臣空有意。
。——梅尧臣《石兰》

8.
初如春笋露织妖，拆似式莲白羽摇。亭下吟翁步明月，玉人虚度可菱膏。
。——陆文圭《亭下玉兰花开》

9.
旧时长见挥毫处，修竹幽兰取次分。欲把一竿苔水上，鸥波千顷看秋云。
。——仇远《题赵松云竹石幽兰》

10.
此是幽贞第一花，不侔桃李只云霞。采香或可通来径，更写春山一片遮。
。——张云龙《画兰》

11.
清风摇翠环，凉露滴苍玉。美人胡不纫？幽香霭空谷。——唐彦谦《咏兰》

12.
湘皋风日美，芳草不胜春。欲采纫为佩，惭非楚荇臣。——丁鹤年《画兰》

13.
两盆去岁共移来，一置雕阑一委苔。我拙事持令叶瘦，君能调护遣花开，
隶人挑蠹巡千匝，稚子浇泉走几回。亦欲效顰耘小圃，地荒终恐费栽培。
。——刘克庄《咏邻人兰花》

14.
识曲知音自古难，瑶琴幽操少人弹。紫茎绿叶生空谷，能耐风霜历岁寒。
。——吴昌硕《题画兰》

15.
商公握笔倚清酣，爱写风光蕊半含。无限王孙芳草恨，尽随烟雨入江南。
。——大圭《题商学士画兰》

16.

云林苍苍石齿齿，一花两花幽薄底。远香自到定中来，道人湛然心不起。
。——张以宁《墨兰为湛然上人题》

17.

多画春风不值钱，一枝青玉半枝妍。山中旭日林中鸟，衔出相思二月天。
。——郑燮《折枝兰》

18.

国香那籍彩毫工，千载猗兰曲未终。金石交情期岁晚，棘丛未实漫春风。
。——程敏政《题衍圣公画兰》

19.

御墨淋漓写楚兰，披图却忆政宣间。分明一种湘累怨，万里青城似武关。
。——张灿《宋徽庙画兰》

20.

雪径偷开浅碧花，永根乱吐小红芽。生无桃李春风面，名在山林处士家。
。政坐国香到朝市，不容霜节老云霞。江蓠圃蕙非吾耦，付与骚人定等差。
。——杨万里《三花斛三首右兰花》

21.

阶庭暂托根，只与绿苔亲。自少枝条分，不争花卉春。轻寒青瘦硬，出
槛紫鲜新。风雨时吹洗，含芬待主人。——丘葵《入忠轩书院咏兰》

22.

鉴空无我相，水静波亦止。手拈幽兰花，妙香乃如此。——蒋士铨《题
王蔗村镜影图》

23.

幽兰生前庭，含薰待清风。清风脱然至，见别萧艾中。行行失故路，任
道或能通。觉悟当念还，鸟尽废良弓。——陶渊明《幽兰》

24.

兰芷溪头子曾子，日饭兰花饭溪水。犹嫌尘土涴荷衣，移家龙山西复西

。清晨芒屨上山觜，瞥见寸云石边起。忽追捉得絮一球，襟衣袖里不放休。须臾奔腾触怀出，散满晴空那可收。云帅却与曾子戏，展为大幕褰为帔。独携曾子登云巢，其上无天下无地。忽闻阿香笑一呼，曾子惊顾巢亦无。归来作巢学云样，夜夜云来宿巢上。——杨万里《题曾无疑云巢》

25.

年来空谷半霜风，留得遗香散草丛。只恐樵人混兰艾，红颜收在束薪中。——陈继儒《王楚玉画兰》

26.

采兰湘北芷，搴木澧南浔。渌水含瑶彩，微风托玉音。云起苍梧夕，日落洞庭阴。不知篁竹苦，惟见泪斑深。——李梦阳《湘妃怨》

27.

护雨重重膜，凌霜早早春。三菲碧弹指，一笑紫翻唇。野竹元同操，官梅晚卜邻。花中不儿女，格外更幽芬。——杨万里《兰花五言》

28.

幽兰生前庭，含薰待清风。清风脱然至，见别萧艾中。——陶渊明《饮酒·幽兰生前庭》

29.

秋风兰蕙化为茅，南国凄凉气已消。只有所南心不改，泪泉和墨写离骚。——倪瓒《题郑所南兰》

30.

身在千山顶上头，突岩深缝妙香稠。非无脚下浮云闹，来不相知去不留。——郑燮《题画兰》

31.

深谷香风泛紫兰，云根斜倚碧琅玕。若为尽化黄金色，应作西山返照看。——杨守《题兰竹图》

32.

独抱幽怀待岁寒，何曾因梦到人间。东风误送余香去，却遣游蜂不得闲。
。——朱执信《题画兰》

33.梅花谢后知谁继，付与幽花接续香。——易士达《兰花二首》

34.

禁持风露不求知，自有横斜百变姿。留得深山幽韵在，肯教烟墨太淋漓。
。——何绍基《题顾子怡画兰卷》

35.

窠石蟠根远，幽花得气腴。夜来秋露重，朵朵尽含珠。——何绍基《为叶笙林恩颐画兰》

36.

补天事远奈君何，苍石云深忆女娲。惆怅幽人在空谷，自纫芳佩鬓先皤。
。——柯九思《题赵子昂画兰》

37.

泣露光偏乱，含风影自斜。俗人那解此，看叶胜看花。——张羽《咏兰叶》

38.

幽植众宁知，芬芳只暗持。自无君子佩，未是国香衰。白露沾长早，春风到每迟。不如当路草，芬馥欲何为。——崔涂《幽兰》

39.

寻常诗思巧如春，又喜幽亭蕙草新。本是馨香比君子，绕栏今更为何人。
。——杜牧《和令狐侍御赏蕙草》

40.

王孙宴罢碧澜堂，翠羽琼蕤结佩裳。欲寄灵均无处所，至今遗恨满潇湘。
。——袁士元《题赵子昂墨兰》

41.

叠浪与云急，翠兰和意香。风流化为雨，日暮下巫阳。——高蟾《楚思》

42.

冰根碧叶杂荒芜，晓露迎晖缀宝珠。笑靥半含还半吐，素心皎皎濯醍醐。——缪公恩《露兰》

43.

万玉林中送艳香，纤腰束素舞霓裳。何年移得蓝田色，春在朱门十二廊。——欧大任《徐氏东园玉兰花》

44.

名利了无时，何人暂访师。道情闲外见，心地语来知。竹落穿窗叶，松寒荫井枝。匡山许同社，愿卜挂帆期。——张乔《东湖赠僧子兰》

45.

李径桃蹊次第开，秣香百和袭人来。春风欲擅秋风巧，催出幽兰继落梅。——苏辙《兰花》

本文链接：<https://duanjuziku.com/duanjuzi/mv228ecjeo.html>